

- d) Persónulegum greinargerðum um forsendur og áhugasvið.
- e) Viðtölum ef þurfa þykir.

F. Inntaka nemenda í félagsráðgjöf.

Fjöldi nýrra nemenda í félagsráðgjöf (til B.A.-gráðu með starfsréttindum, 120 einingar) takmarkast við töluna 30.

Ef þeir sem sækja um að hefja námið, og uppfylla inntökuskilyrði, eru fleiri en unnt er að taka inn mun val nemenda byggjast á eftirtöldum sjónarmiðum:

- a) Einkunnum í háskóla.
- b) Annarri starfstengdri menntun.
- c) Starfsreynslu ásamt umsögnum frá yfirmanni viðkomandi stofnunar (á sviði félagsmála- og heilbrigðisþjónustu eftir því sem við á).
- d) Persónulegum greinargerðum um fyrirhugað starfsval.
- e) Viðtölum ef þurfa þykir.

G. Inntaka nemenda í cand.psych. nám.

Fjöldi nýrra nemenda í framhaldsnámi í sálfræði (til cand.psych.-gráðu með starfsréttindi skv. lögum nr. 40/1976, til 60 eininga) takmarkast við töluna 15.

Ef þeir sem sækja um að hefja námið, og uppfylla inntökuskilyrði, eru fleiri en unnt er að taka inn mun val nemenda byggjast á eftirtöldum sjónarmiðum:

- a) Einkunnum á B.A.-prófi í sálfræði frá Háskóla Íslands eða sambærilegu prófi.
- b) Nám að loknu B.A.-prófi í sálfræði og birtingum í ritrýndum tímaritum.

Nefndir, skipaðar starfsmönnum viðkomandi skora, annast val nemenda skv. liðum A-G. Nánari ákvæði um inntökuskilyrði og inntöku nemenda í þessar greinar er að finna í kennsluskrá og á vef félagsvísindadeildar.

5. gr.

Gildistaka o.fl.

Reglur þessar sem háskólaráð hefur sett, að fengnum tillögum háskóladeilda og á grundvelli heimildar í 2. mgr. 13. gr. laga nr. 41/1999 um Háskóla Íslands, gilda fyrir háskólaárið 2005-2006.

Háskóla Íslands, 15. mars 2005.

Páll Skúlason.

Þórður Kristinsson.

REGLUGERÐ

um bókhaldslega og fjárhagslega aðgreiningu í rekstri póstrekenda.

I. KAFLI

Gildissvið.

1. gr.

Skilgreining gildissviðs.

Reglugerð þessi gildir um bókhaldslega og fjárhagslega aðgreiningu í rekstri póstrekenda.

2. gr.

Orðskýringar.

Alþjónusta: Póstþjónusta sem landsmenn skulu eiga aðgang að á jafnræðisgrundvelli.

Einkaréttarþjónusta: Póstþjónusta sem enginn má veita nema ríkið eða póstrekkandi í umboði þess.

Póstrekandi: Aðili sem veitir hvers kyns pósthjónustu.

Póstþjónusta: Þjónusta sem nær til móttöku og söfnunar, flokkunar, flutnings og skila á póstsendingum gegn greiðslu.

Rekstrarleyfishafi: Aðili sem hefur leyfi til að veita alþjónustu.

3. gr.

Aðilar sem aðgreina skulu tekjur og kostnað í bókhaldi sínu.

- a. Póstrekandi sem fengið hefur rekstrarleyfi og á hafa verið lagðar kvaðir um að veita alþjónustu.
- b. Póstrekandi sem falinn hefur verið einkaréttur ríkisins, sbr. 11. gr. laga um pósthjónustu nr. 19/2002.
- c. Póstrekandi sem stundar einnig leyfisskylda starfsemi á öðru sviði en pósthjónustu.

II. KAFLI

Bókhaldsleg aðgreining.

4. gr.

Tilgangur.

Tilgangur með aðgreiningu á kostnaði í bókhaldi fyrirtækis er:

- a. að hægt verði að sjá tekjur og kostnað fyrir mismunandi rekstrareiningar,
- b. að geta sýnt fram á að sömu skilmálar gildi um þjónustu sem veitt er öðrum fyrirtækjum og þjónustu sem innt er af hendi við aðrar deildir póstrekkandans sem hlut eiga að máli,
- c. að auka traust á aðferðum við ákvörðun gjalds fyrir mismunandi tegundir þjónustu.

5. gr.

Framkvæmd aðgreiningar.

Póstrekandi sem fellur undir ákvæði 3. gr. skal færa bókhald á þann hátt að hægt verði að skipta öllum tekjum og kostnaði niður á rekstrareiningar sem tengja má mismunandi þjónustu.

Póstrekandi skal gera grein fyrir þeim aðferðum sem viðhafðar eru samkvæmt 1. mgr. við skiptingu tekna og kostnaðar og fá samþykki Póst- og fjarskiptastofnunar fyrir þeim.

6. gr.

Millifærslur.

Þegar hluti af rekstri póstrekkanda fer fram í dótturfyrirtæki eða þjónusta skiptist milli deilda eða rekstrareininga skal skrá allar færslur milli fyrirtækjanna, deildanna eða rekstrareininga með skýrum aðskilnaði í bókhaldi.

7. gr.

Eignamat.

Með hliðsjón af mati á afskriftum og ávöxtunarkröfu þeirra fjármuna sem þarf til að veita pósthjónustu er heimilt að leggja mat á virði þeirra fjárfestinga sem krafist er til að inna af hendi viðkomandi þjónustu. Að jafnaði skal ekki reikna viðskiptavild til eigna sem þarf til að veita pósthjónustu.

8. gr.

Afskriftir.

Beita skal aðferðum beinlínu afskriftar við mat á árlegum afskriftum eigna sem tengjast framboði þjónustunnar. Póst- og fjarskiptastofnun er heimilt þegar sérstakar aðstæður krefjast þess, að samþykkja notkun annarra afskriftaraðferða og að taka tillit til hugsanlegs hrakvirðis eignar.

9. gr.

Ávöxtunarkrafa.

Reikna skal kostnað af fjármagni sem bundið er í eignum sem notaðar eru í sambandi við framboð þjónustu. Ávöxtun fjármagnsins skal taka mið af hlutfallinu á milli eigin fjár lögbundins ársreiknings og vaxtaberandi skulda og byggjast á vegnu meðaltali fjármagnskostnaðar (WACC). Taka ber tillit til frádráttarbærni vaxta gagnvart útreikningi tekjuskatts þegar vegið meðaltal fjármagnskostnaðar er reiknað. Niðurfærsla viðskiptavildar sem til er orðin sem viðbót á kaupverði eigna félags og falin er í framtíðarsjóðstreymi þess skal ekki skerða eigið fé félagsins við útreikning á vegnu meðaltali fjármagnskostnaðar eins og hér hefur verið lýst.

10. gr.

Greining tekna og kostnaðar eftir þjónustu.

Færa skal tekjur á sérhverja tegund þjónustu skv. 12. gr.

Greining kostnaðar byggist á fyrirfram ákveðinni skilgreiningu á tilkostnaði fyrir sérhverja tegund þjónustu skv. 12. gr.

Póst- og fjarskiptastofnun getur heimilað aðrar aðferðir í undantekningartilfellum.

Póst- og fjarskiptastofnun getur metið hagkvæmni rekstrar og hafnað kostnaði ef sýnt er fram á að um kostnað er að ræða sem ekki er nauðsynlegur við að veita viðkomandi þjónustu.

11. gr.

Verðgrundvöllur.

Verð á þjónustu skal byggjast á raunkostnaði að viðbættri hæfilegri álagningu samkvæmt 9. gr.

12. gr.

Skipting eftir tegundum þjónustu.

Póstrekandi sem fellur undir 3. gr. skal gera Póst- og fjarskiptastofnun grein fyrir því hvornig aðgreiningu í bókhaldi er háttað með tilliti til tekna og kostnaðar fyrir þær þjónustugreinar sem falla undir:

- 1) Póstþjónustu í alþjónustu innan einkaréttar.
- 2) Póstþjónustu í alþjónustu utan einkaréttar.
- 3) Aðra pósthjónustu.
- 4) Aðra þjónustu.

13. gr.

Ársreikningar og reikningsyfirlit.

Póstrekandi sem fer með einkarétt ríkisins samkvæmt 11. gr. laga um pósthjónustu nr. 19/2002 og þeir póstrekendur sem á hafa verið lagðar kvaðir um að veita alþjónustu skulu semja reikningsskil fyrir alla sérgreinda starfsemi sem lýst er í tölulíðum 12. gr. reglugerðarinnar. Eftirtalin reikningsyfirlit og upplýsingar skulu fylgja ársreikningi sem senda skal Póst- og fjarskiptastofnun:

- a. Sérgreindur rekstrarreikningur fyrir hinar ýmsu deildir eða þjónustu.
- b. Forsendur að kostnaðarskiptingu: þ.m.t. einingarverð og magntölur.

Póstrekandi skal upplýsa um þær reikningsskilaaðferðir sem beitt er við ársreikningsgerð hinnar ýmsu þjónustu.

Við gerð reikningsskila þjónustu og deilda og hins lögbundna ársreiknings skal þess gætt að kleift sé að rekja þann mismun sem upp kemur vegna mismunandi reikningsskilaaðferða. Á öllum reikningsskilum skal vera áritun endurskoðanda.

14. gr.

Upplýsingaskylda.

Póstrekandi sem á hefur verið lögð kvöð um að veita alþjónustu skal að beiðni Póst- og fjarskiptastofnunar afhenda stofnuninni, innan hæfilegs frests sem Póst- og fjarskiptastofnun setur, sundurliðaðar bókhalds- og fjármálaupplýsingar svo að stofnunin geti tryggt að tilgangi 4. gr. megi ná. Stofnuninni er heimilt að birta slíkar upplýsingar í heild eða að hluta til, ef það er talið leiða til meiri samkeppni og opnari markaðar og eins til að tryggja að jafnræðis sé gætt nema að eðlilegt og sanngjarnt teljist að leynt sé farið með viðkomandi upplýsingar vegna viðskiptahagsmuna.

Þegar nota á kostnaðargreiningu póstrekkanda til þess að ákvarða verð á þjónustu sbr. 11. gr. er Póst- og fjarskiptastofnun heimilt að krefjast skriflegra upplýsinga sem gera stofnuninni kleift að leggja mat á eftirfarandi þætti:

1. Eignamat.
2. Afskriftir.
3. Arðsemi.
4. Framkvæmd kostnaðargreiningar.

III. KAFLI

Fjárhagsleg aðgreining.

15. gr.

Fjárhagslegur aðskilnaður skal vera á milli póstpjónustu og annars reksturs póstrekkanda. Ef fjárhagsleg aðgreining deilda póstrekkanda hefur verið fyrirskipuð skal póstrekkandi auk þess að fara að ákvæðum II. kafla um bókhaldslegan aðskilnað.

IV. KAFLI

Eftirlit.

16. gr.

Eftirlitsskylda.

Póst- og fjarskiptastofnun skal hafa eftirlit með að ákvæðum reglugerðar þessarar sé fylgt, sbr. 5. gr. laga um Póst- og fjarskiptastofnun nr. 69/2003.

V. KAFLI

Heimildarákvæði.

17. gr.

Heimildarákvæði.

Reglugerð þessi er sett með stoð í 18. gr. laga um póstpjónustu nr. 19/2002, með síðari breytingum.

18. gr.
Gildistaka.

Póstrekendur skulu hefja færslu bókhaldsgagna í samræmi við ákvæði þessarar reglugerðar eigi síðar en hinn 1. janúar 2006.

Samgönguráðuneytinu, 11. mars 2005.

Sturla Böðvarsson.

Ragnhildur Hjaltadóttir.

AUGLÝSING

um breytingar á deiliskipulagi við Hraungerði og Borgarsíðu, Akureyri.

Bæjarstjórn Akureyrar hefur þann 1. mars 2005 í samræmi við 2. mgr. 26. gr. skipulags- og byggingarlaga samþykkt tillögu að breytingu á deiliskipulagsskilmálum fyrir Hraungerði 1. Breytingin felst í því að leyfður þakhalli verður 10°-30° í stað 10°-14° áður.

Bæjarstjórn Akureyrar hefur þann 15. febrúar 2005 og 1. mars 2005 í samræmi við 2. mgr. 26. gr. skipulags- og byggingarlaga samþykkt tillögur að breytingum á deiliskipulagi fyrir Borgarsíðu 23 og 29.

Breytingarnar eru samhljóða og felast í því að bílskúrar verða innbyggðir í húsin í stað þess að vera stakstæðir og að byggingarreitir húsanna verða 10,7 x 13 m í stað 9 x 13 m.

Deiliskipulagsbreytingarnar hafa hlotið þá meðferð sem skipulags- og byggingarlög mæla fyrir um og hefur bæjarstjórn lýst því yfir að hún taki að sér að bæta það tjón, sem einstakir aðilar kunni að verða fyrir vegna þeirra. Breytingarnar öðlast þegar gildi.

F.h. Akureyrarbæjar, 18. mars 2005.

Bjarni Reykjalín, skipulags- og byggingarfulltrúi.

AUGLÝSING

um breytingu á deiliskipulagi við Sunnumörk og Mánamörk í Hveragerði.

Bæjarstjórn Hveragerðisbæjar samþykkti þann 10. mars 2005 breytingu á deiliskipulagi við Sunnumörk og Mánamörk í Hveragerði, samkvæmt skipulags- og byggingarlögum, nr. 73/1997. Tilheyrandi deiliskipulagsuppráttur ásamt greinargerð hefur hlotið þá meðferð sem skipulags- og byggingarlög mæla fyrir um.

Deiliskipulagið öðlast þegar gildi.

Hveragerði, 15. mars 2005.

Guðmundur F. Baldursson, skipulagsfulltrúi Hveragerðisbæjar.